

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzei Cawjbanh: Gvangjsih Minzcuz Bause Geiz neix 8 banj
广西民族报 Aenhauh okbanj: CN45-0036 B.2022 Nd.11 Ng.16 Liggaueq nyaemzyinz nienz ndwencib ngeihsam Geizsoq: Gungh daih 3549 geiz

Aen Donzlwnggangj Swcigih Hagsib Gvancez Gij Cingsaenz Ngeihcib Daih Dangj Raeuz Daengz Gak Dieg Lwnhgangj

学习贯彻党的二十大精神自治区宣讲团深入各地宣讲

11 nyied 11 hauh, Aen Donz-lwnhgangj Swcigih Hagsib Gvancez Gij Cingsaenz Ngeihcib Daih Dangj daengz Hocouh Si、Bwzhaij Si、Gveilnz Lijyouz Yozyen caeuq Gvangjsih Hungzgvei Swhbwnj Yin-yingz Cizdonz Youjhan Cwzyin Gunghswl lwnhgangj. Gyoengqboux cwngzienz donzlwnggangj dawz aen baugau Ngeihcib Daih Dangj raeuz gejdooeg cingcuj, hawj vunz yungzheih roxyiuj, lij giethab gak dieg gak danhvei saedsaeh, dazyinx dangjyenz ganbu caencaen cingqingq dawz swhsiengj caeuq hengzdoengh doengjit daengz gwnz cingsaenz Ngeihcib Daih Dangj raeuz daeuj, haenqrenz hai-cauh yienghmoq gak hangh saehnieb.

Gaengawq Swcigih Dangjveij Senhconzbu anbaiz, Aen Donz-lwnhgangj Swcigih Hagsib Gvancez Gij Cingsaenz Ngeihcib Daih Dangj aeu daengz laeb gih si、gihciz gihgvanh、daihag hagdangz、gihciz giyez caeuq “song moq” cujciz daengj gyonjcomz lwnhgangj 50 ciengz. 11 nyied 7 hauh banhaet, ciengz lwnhgangj nduj youq Namzningz banh, daengz seizneix, gyoengqboux cwngzienz donzlwnggangj faenbied daengz gak dieg lwnhgangj gij cingsaenz Ngeihcib Daih Dangj raeuz, daiqdoengh daengx gih ganbu ginzcong hagsib gvancez gij cingsaenz Ngeihcib Daih Dangj hoengh hwnjdaej.

Donzlwnggangj bangcoengh gyoengq dangjyenz ganbu ginzcong haeujlaeg roxyiuj gij cingsaenz Ngeihcib Daih Dangj raeuz, daihgya cungj naeuz, aeu roengzrengz hagsib gaemdawz gij cingsaenz Ngeihcib Daih Dangj, aeu haenqrenz gaenxmaenx bae guhhong, dawz gij muzbyauh yinvu Ngeihcib Daih Dangj raeuz daezok haenx guhbaenz bae.

(Bonj bauq cunghab raiz/本报综合消息)



11 nyied 12 hauh, Sanhgyangh Duncuz Swciyen Gujyiz Cin Nanzcan Segih guh minzcuz doxgiet cinbu son lwnh hozdung, gyoengqboux senj dieg daeuj haenx doeng-gvaq doxdax boq venz、doxdax Dohyeh、vwnzyi comzyienj daengj fungfouq cez-muz, langhbaij gij feihyiz mbanj Dung ndeiraeuh, bang rengz Nanzcan Segih cau-guh sifandenz couqmaenh gij eiqsik caezcaemh Cunghvaz Minzcuz.

(Bouxdoengsaengq Gungh Bujangh/通讯员 龚普康)

Gvangjsih Nienzdaej Yaek Yienh Yienh Doeng Roengauhsuz Liux

广西年底将全面实现县县通高速

11 nyied 11 hauh, bonj bauq gicej youq gwnz hoihfatbous sinhvwnz Gvangjsih doidoengh singz mbanj gyaudoeng daehyinh dungjcouz hwngfat roxdaengz, gaenh bi daeuj, daegbied dwg Cibbet Daih Dangj doxdaeuj, Gvangjsih gaemdawz seizgei, haenqrenz buekguh, caenhrengz doidoengh singz mbanj gyaudoeng daehyinh doengzcaez guh saedyienh bonghyat hwngfat, dieg minzcuz vunz noix comzyouq caeuq diegbien singz mbanj gyaudoeng daehyinh laebguh ndaej dwkbyoengq yienghgaeuq bae.

Daengz bi'gvaq nienz daej, daengx gih dietloh yingzyez roenraez dabdaengz 5216 goengleix; goengloh doengci roenraez cungjsoq dabdaengz 16.06 fanh goengleix, ndawde goengloh lajmbanj 13.36 fanh goengleix; daengx gih ndaw dah doeng ruz roenraez cungjsoq dabdaengz 5873 goengleix; daengx gih miz daehyinh gihcangz 8 aen. Bineix nienz daej gaxgonq, Nanz Cungz Gauhdez、Nanzningz Gozci Gunghgangj Cunghab Gyaudoeng Suhniuj(GTC) yaek guhbaenz ndaej byaij; Sin Vuz、Denz Sih、Nanz Denh Gauhsuz Goengloh guhbaenz doengci, Gvangjsih yaek yienh yienh doeng roengauhsuz liux.

Seizneix, hwnjguh Gvei Nanz、Fangz Dungh、Nanz Yi、Cungz Bingz、Yi Ginz、Liuq Vuz daengj 6 diuz dietloh cingq guh dwk hoenghfwl, Nanz Bingz Dietloh donh Nanz Cungz couh yaek ndaej doengci, Gvei Nanz、Fangz Dungh Dietloh yawhgeiq bimoq ndaej haidoeng, Gvangjsih couh yaek saedyienh “si si doeng gauhdez” lo, Cungzcoj Si Fuzsuih Yen, Hozciz Si Vanzgyangh Mauznanzcuz Swciyen、Duh'anh Yauzcuz Swciyen, Nanzningz Si Majsanh Yen, Fangzcwngzgangj Si Dunghhingh Si daengj dieg lauxgeq gwzming、dieg minzcuz vunz noix comzyouq caeuq diegbien yaek yamq haeuj aen seizdaih gauhdez.

(Bonj bauq gicej Veiz Ying-cinh Lij Daucih/本报记者 韦颖琛 李道芝)